

ES HÄRZ

Text: Adrian Klapproth

1.

Es Härz - es riesigs Härz
Es Härz - wo ewig schlod
Wo alles weiss und alls verstohd
Mich, dich und d'Ewigkeit
Und jedi Möglichkeit
Es Härz mit allem drin
:Das macht kei Sinn:

2.

Es Härz - es riesigs Härz
Das Härz - isch ganz allei
Und teilt sich uf - und gids sich frei
Erprobt was' alles cha
Zündet en Urknall a
Und stürzt sich sälber dri
:Und hed de Plausch debi:

3.

Es All - es riesigs All
Es All - und jedi Läbesform
Wälle, Ziit, und jedi Norm
Spieli, wo nüm jede könnt
Spieli, wo denäbe gönd
Härze, wo wild umerenned
:Härze, wo sich nümme könned:

4.

Planet - chline Planet
Mönsch, wo meint, er wüssi alls
Stürzt über Chopf und Hals
I immer meh Vergässe
Isch ganz uf Chrieg versässe
Findt nüme use, meint är steckt drin
:Macht das jetzt Sinn:

Adrian Klapproth
Juli 2006
CD „Und Trotzdem“